

**UPUTSTVO KANDIDATIMA KOJI SU SE PRIJAVILI NA KONKURS ZA
UPIS STUDENATA U PRVU GODINU ODSJEKA ZDRAVSTVENIH
STUDIJA STUDIJA NA MEDICINSKOM FAKULTETU UNIVERZITETA U
TUZLI U AKADEMSKOJ 2017/18. GODINI**

Prijemni ispit na Odsjeku zdravstvenih studija Medicinskog fakulteta Univerziteta u Tuzli polaze se iz predmeta: **BIOLOGIJA I HEMIJA**.

**MJESTO POLAGANJA PRIJEMNOG ISPITA BIĆE OBJAVLJENO DAN
PRIJE ISPITA NA OGLASNOJ PLOČI MEDICINSKOG FAKULTETA.**

Prijemnom ispitu može pristupiti kandidat čija je prijava na Konkurs potpuna i blagovremena. Identifikovanje kandidata vrši se ličnim dokumentom kao što je: lična karta, pasoš ili vozačka dozvola. Studenti strani državljeni identificuju se pasošem. **NAPOMENA:** Kandidat koji ne bude posjedovao neki od navedenih dokumenata, neće moći pristupiti prijemnom ispitu.

Kandidati trebaju doći na mjesto određeno za polaganje prijemnog ispita najmanje 15 minuta ranije. Kandidat koji zakasni na prijemni ispit neće moći pristupiti polaganju prijemnog ispita.

Prijemni ispit se radi dva školska sata (jedan sat i trideset minuta). Test na prijemnom ispitu **OBAVEZNO** se radi **NEBRISIVOM HEMIJSKOM OLOVKOM PLAVE BOJE** (kandidati takvu olovku obavezno moraju donijeti na prijemni ispit). Kandidat koji na bilo koji način (imenom, simbolom i sl.) obilježi/označi svoj test biće eliminisan sa kvalifikacionog ispita.

Ukoliko se odgovor na pitanje daje po sistemu zaokruživanja, svaki drugi oblik označavanja (precrtavanje, podvlačenje, dopisivanje i sl.) smatraće se netačnim odgovorom. Ukoliko se odgovor daje dopisivanjem teksta ili izradom zadatka, dopisani tekst/postupak izrade zadatka treba da bude pregledan i čitljiv. Pri izradi zadatka neophodno je napisati cjelokupni postupak izrade i zaokružiti tačan odgovor.

Na prijemnom ispitu nije dozvoljeno unošenje nikakvih elektronskih pomagala (kalkulatora, mobitela i slično), kao ni pisanih materijala. **KANDIDAT KOJI SE NE BUDE PRIDRŽAVAĆI UPUTSTVA O ELEKTRONSKIM POMAGALIMA I PISANIM MATERIJALIMA ĆE SE UPOZORITI, A POTOM UDALJITI SA PRIJEMNOG ISPITA.**

Svaki kandidat će u velikoj koverti uz test dobiti prazne listove ovjerene pečatom Studentske službe i odgovarajući broj indigo-papira, radi izrade kopije/preslike svog testa. Nakon isteka vremena za izradu testa, svaki kandidat će originalan test pred komisijom zatvoriti (zalijepiti) u veliku kovertu, a za sebe zadržati kopiju, a nakon što svaki list kopije potpiše kandidat lično i neko od članova komisije, kandidat može napustiti prostoriju u kojoj je radio test.

Prilikom predaje testa posljednjeg kandidata komisija mora obezbijediti javnost, pod kojom se podrazumijeva prisustvo najmanje još dva kandidata koja su radili prijemni ispit u istoj prostoriji.

PREDSJEDNIK KOMISIJE ZA REALIZACIJU KONKURSA

Prof. dr. sc. med. Nermina Hadžigrahić

